



Protocol da la radunàza generala 2024, igls 21-3-2024, a las 20.00 uras agl hotel JUFA a Savognin

Parstgias:

Daniel Wasescha, Linard Candreia, Gian Sonder, Gian Carlo Lozza, Carmen Caspar, Martina Cantieni, Pia Plaz

Preschaints:

11 cumembers a cumembras, 2 giasts

1. Bagnvagnieu

La Simona fa igl bagnvagnieu. Spezialmeing banavainta ella igls giasts Markus Solinger, igl secretari da la Lia Rumantscha a Victoria Mosca, la presidenta da la Uniun dals Grischs.

2. Tschearna da dumbravuschs

Sco dumbravuschs vean tscharnieu Patric Vincenz.

3. Aprovaziùn digl protocol da la davosa radunàza generala

Igl protocol da la davosa radunàza satgata sen la pagina web da la URGC. Las duas co-presidentas sa baratan da scriver igls protocols. Igl protocol da la RG 24 vean apruvo unanimameing.

4. Apruvar igl raport da gestiùn 2023

La Simona preligia igl raport anual. El e ear publitgieu an la Revista digl noss Sulom. Igl raport vean apruvo unanimameing.

5. Aprovar igl rendaquent 2023 ad igl raport digls revisurs

Igl Flavio declara igl rendaquent 2023. El seara cun antradas da 45816 fr. ad expensas da 49934 fr.. Suainter igl sieus raport propona igl revisur Beat Jenal dad apruvar igl quent.

6. Elecziùns

Uon en nignas elecziùns. La Simona preschainta la cunlavor an la suprastàza.

Igl suprastànts s'antopan tanor basegns ear an sasidas ca coraspundan agl territori idiomatich (Surmir/Sutselva).

La Pia Plaz dess giou igl post sco delegda sch'anzatgi oter fagess quegl.

Flavio vean a demissionar sen la proxima RG. Cunquegl c'el vut far la sia lavor anurden sasaint el betga bagn sch'el â megna poca peada par que ufezi. Tuts den gidar da catar egna parsùna par que post.

La Simona angratzga gea ussa a Flavio par la sia grànda lavor. El lavura cunzenziusameing a da maniera speditiva.

7. Fixar igl program d'actividad 2024

Gierina declara activitads Sutselva:

-sera near suaintermezgi da prelecziùn cun text an rumantsch da Sched/Veulden

-nums da las veias a texts rumantschs sen las tgeas da Scharons: barat da la scola Donat/Scharons par sensibilisar unfànts par l'istorgia rum. an Tumleatga

-nov'ediziùn egn vieadi tras la Val Schons cun 100 exemplars
-sensibilisar las redacziùns ad igls colavuratur da Quotidiana/RTR ca la Sutselva exista ànc adigna
-ver egn il sen la promoziùn ad igl sustegn digl rumàntsch an la uniùn da scola Schons (SVS, Schulverband Schams)
-sustegn da ediziùns par exaimpel tema aua digl parc Bavregn, sclarir sch'ign savess cunlurvar cun Parc Ela
-cunlavor cun CCVS (Cuminànza culturala Val Schons) placats a pagina web biling, gioi festiv integrar aschi blear sco pussevel igl rumàntsch
Simona declara activitads Surmeir:
-preschientscha da la URGC durànt igls curs da stad se Surmir
-nus sustanagn igl Poetry Slam organiso da l'Uniun digls Grischs a Bargugn digls 20 da satember (festivitads an conex cun Gian Gianett Cloetta, naschieu avànt 150 ons)
- la URGC sustegna igl barat a luvratori an conex cun artists rumàntschs ARTicular, digls 27-29 da satember ad Alvaschagn.
-nus elavuragn egn flyer cun egn QR-code cun la pussevkladad da s'anunztgear par easser cumember
Igl program d'activitad pigl 2024 vean apruvo.

8. Apruvar igl preventiv 2023

Igl Flavio declara igl preventiv. Igl preventiv vean apruvo unanimameing.

9. Fixar las contribuziùns anualas 2023

La suprastànza propona da mantaner las contribuziùns actualas : 30.- par parsùnas singulas 50.- par peers, cumegns 1 fr. par abitànt. Quella proposta vean acceptada unanimameing.

10. Preschantaziùn: ACACA ad Articular

Deplorablameing â Mirko Baselgia betga savieu vagnir a la radunànza generala. Nus angraztgagn ad el ad ACACA sen quella veia par la buna cunlavor an conex cugl referat sur da l'istorgia digl rumàntsch ad Alvaschagn. Nus lagn cuntinuar cun quella cunlavor. Mathias preschainta igl project c'el â initzgieu anzemel cun oters artists rumàntschs. Digls 27 antocen igls 29 da satember dat igl agl ACACA egn barat sur da las savundàntas amparadas: Tge definescha igl art rumàntsch? Dat igl art rumàntsch?
Igl vean quinto cun expensas da 88000 fr.. Diferaintas instituziùns ân gea do daners.

11. Varia

Chalender.ch

Nus fagiagn atent sen quella pagina, noua c'ign sa far reclama par ocurenzas rumàntschas.

Infurmaziùns digl secretari da la LR, Markus Solinger

Igl secretari da la Lia Rumàntscha preschainta igl nov organigram da la LR a rauenta plagn plascher digl success ca la direcziùn â gieu dad ocupar plazas vacàntas. Igls novs colavuratur a las novas colavuraturas en parsùnas fetg cumpetentas a vignan a dar nov schlàntsch a la lavor par la Rumàntscheia a pigl Rumàntsch. Pigl Grischùn Zentral, peia par la regiùn da la URGC vean la LR a scriver or egna plaza da 100 %. Nus tarlagn cun plascher las explicaziùns a la preschantaziùn da la lavor a da las midadas c'en vagnidas intradadas da Markus a da la suprastànza da la LR.

Aperitiv

Suainter la radunànza generala giudagn nus egn bün aperitiv.

Donat, igls 21.5.24

Gierina Michael